

ЛЕНИНЭНЬ КИЯВА

1941 ие
И Ю Л Е Н Ь
2-це чи
74 (1370) №

ЛИСИ: 11-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

Комсомолец! Кепедть революционной бдительностенть! Ванстак военной ды государственной тайнать! Разоблачай болтунтнэнь ды ротозейтнэнь!

Пионерты ды школьникты, лиседе производстват!

Минек правительстванть тердеманзо лангс ответакс—максомс отпор азаргадозь фашистнэненъ—советской народсь вейке вайгельсэ максь клятвастамс эсь отчизнанть ванстома а яка виця стенакс ды педепев громамс минек врагонть.

Социалистической народной хозяйствань эрва участкасо роботця трудиятнэнь показателест кортыть седе, што советской народсь, башка эрва ломанесь чарькодеизе парсте неень шкастонть сонзэ честной роботань питнэнь. Эрва трудиясь бажи теэмс седе ламо, максы весе виензэ сенень, штобу седе курок изнямс врагонть, кона арси нельгемс минек народонть кедьстэ вейсэнь сьупавчинть, олячинть, счастьеанть.

Врагонть лангсо изнямонтъ кис бороцямонть пугыть весе виест советской пионерты ды школьниктынеяк, конань тевет, кода невтизь войнань васынзе чинте, максыть покш лескс покштинэнь. Сынъ организованна якить колхозонь паксыв кочкомо, роботыть бахчасо, лездыть од кинь теэмасо ды ламосо лиясо.

Саранской районь Николаевка велень пионерты ды школьниктыне, анык маризь минек границатнэнь лангс фашистнэнь наглой каявомадо кулянтъ, сеске жо мольсть колхозонь правленияв ды анялдьсть, штобу кармавтовлить роботамо хоть кодамо тевет. «Минь,—кортыть сынъ,—пугынек весе виенек, штобу лездеме лелянок ды тетянок туртов громамс азаргадозь врагонть».

Истя жо роботыть колхозсо лия районь ламо велень пионерты ды школьникты. Вана Дубенской районь Кенде велень учениктне весе роботыть «Юпитер» ды Октябрия 22-це годовщианть лемсэ колхозтнэнь производствасо. Сынъ ускить паксыв навоз, яксить аватне марто кочкомо ды анокт теэмс весе, мезес кармавтсынзе колхозонь правлениясь. Сынст эйстэ ламотне маштыть сокамо, изамо, лобогрейкасо нуеме, пулт возонь вачкамо ды лият. Сайсть эсест лангс обязательства, штобу тонавтнеме велень хозяйствань весе роботатнэнь ды хоть зардо полавтомс покш ломатнэнь, конань партиясь ды правительствась тердсынзе минек родинань врагтнэнь каршо бороцямо.

Тесэ кортамось мольсь анык кавто велень тонавтицядо. Истя жо, эрви арсе, теить минек республикань весе пионерты ды школьниктыне. Эрванть сынст эйстэ чарькодеви неень шкась, чарькодеви се, што колхозсо, совхозсо ды промышленной предприятиясо сынст активной роботаст ашти залогокс врагонть лангсо малавикс шкась изнямонтнэнь.

Эйкакшт! Врагось арси нельгемс тынк счастьяк ды весе сень, мезе максозь тенк Октябрьской социалистической революциядонть мейле социализмань мирной строямонть шкасто, мезе максь тенк советской правительствась, большевистской партиясь ты тынк вечкевикс тетянк великой ды мудрой Сталин. Штобу те войнасонть, конань кирвастизе минек масторонть каршо кровожадной Гитлер, чувомс калмо весе фашизматнэнь, тынк пельде эрви покштинэнь туртов лескс, колхозной производствасо ды промышленной предприятиясо упорной ды честной робота.



Фашизм снартни пайстома чис Каямс советской патриотонть. Робочей, весе рисксэнтъ кис Максик врагонть меельсь счетонть!

ОБОРОНАНЬ ГОСУДАРСТВЕННОЙ КОМИТЕТАНТЬ ОБРАЗОВАНИЯДО

Теевезь чрезвычайной положениянтъ кувалма ды минек родинанть лангс вероломна каявозь врагонть отпоронь максоманть туртов СССР-нь народтнэнь весе виест бойкасто мобилизовамонть пельтнесэ, СССР-нь Верховной Советэнь Президиумось, ВКП(б)-нь Центральной Комитетэсь ды СССР-нь Народной Комиссартнэнь Советэсь ловизе эрвиксэкс:

1. Создать Оборонань Государственной Комитет истямо составсо:

И. В. Сталин ялгась (председатель)

В. М. Молотов ялгась (председателень заместитель)

К. Е. Ворошилов ялгась

Г. М. Маленков ялгась

Л. П. Берия ялгась.

2. Максомс государствасонть целанек весе властэнь Оборонань Государственной Комитетэнтъ кедьс.

3. Кармавтоме весе граждантнэнь ды весе партийной, советской, комсомольской ды военной органтинэнь беспрекословно тонавтнеме Оборонань Государственной Комитетэнтъ решениязо ды распоряжениязо.

СССР-нь Верховной Советэнь Президиумонь Председателесь
М. И. КАЛИНИН.

ССР-нь Союзонь Совнаркомонь Председателесь ды ВКП(б)-нь ЦК-нь Секретаресь

И. В. СТАЛИН.

Москов, Кремль, 1941 иень июнень 30-це чистэ.

Советской информационной бюронть пельде

(Чокшнэнь сообщениясь)

Июнень 30-це чинть перть советско-финляндской государственной весе граничанть кувалт минек войскатне мекев панизь противникентъ, кода теде икеле ветясь наступления. Мурманской направлениясонть молитъ пек виев бойть немецкой войскатнэнь каршо, неть бойтнесэ противникентэнь тейневить покш ёмавкст.

Виленско-Двинской направлениясонть минек войскатне ветить пек виев бойть противникентэнь мотомехчастнэнь каршо, конат снартнить эдемс северо-восточной направлениясонть. Те направлениясонть противникентэнь пек седе ламо витнэнь каршо минек войскатне аравтнить упорства ды маневрань бойкачи.

Минской ды Барановичской направлениятнесэ минек войскатне ветить виев бойть противникентэнь подвижной войскань седе покш витнэнь каршо, кирдить сынст молемаст промежуточной рубежтнесэ.

Ровнонь районсонть молитъ танковой соединениятнэнь покш бойть. Противникентэнь весе снартманзо эдемс восток ёнов отбитойть сонзэ туртов покш ёмавкс марто. Те направлениясонть бойтне ульнэсть танковой частнэнь пек виев схваткакс, конатнэнь результатсо пек ламо немецкой танкат истожазь.

Фронтонь бессарабской участкасонть противникесэ одс снартнесэ ютамс Прут леенть трокс, но минек войскатнэнь бойка ды решительной действиясонть неть снартманте ульнэсть отбитойть сонзэ туртов покш ёмавкс марто.

Ютазь чинть перть Военно-Морской Флотонь кораблятне ваявтэть противникентэнь кавто подводной лодкат Балтийской морясо ды вейке—Черной морясо.

* * *

Июнень 29-це чистэ Исмаилов якстереармеецэсь невть исключительной мастерства сехте меткой одиночной толонь ветьмосонть. Вадрясто маскировавозь, сон точной ледемасонзо машть мельсек-мельсек 11 белофинской егерть, конат снартнесэ ютамс минек государственной граничанть трокс.

* Старшей сержантонть Спиченковонь танковой экипажонзо лангс каявэть вете фашистской танкат. Спиченков сержантось эзь талакадо. Сон спокойнойста кармаьт упоре леднеме противникентэнь танкатнэнь. Вейке омбоце мельга лисэть стройстэ ниле фашистской танкат. Спиченков аравтнэзе орудиянзо ветеце танканть лангсак, но вражеской пулясь стакасто ранизе те бесстрашной командирэнтъ. Сонзэ таркас арась младшей политрукось Огир. Сон коняк ледизе ветеце фашистской танкантькак.

* Черноморской Флотонь сторожевой катерэнь Остренко лейтенантонть командованиянзо коряс экипажось нейсь противникентэнь подводной лодка. Катерэсь сеске тусь пек виев атакас. Глубинной бомбатнесэ фашистской подводной лодкась ульнэсь истожазь.

* Неть читнэстэ М. ды Б. пунктнэнь ютксо, чугунокань кинь покш седель районсонть, малавикс велень эйкакштнэнейсь фашистской самолет, кона кувать ливтнесэ секе жо вейке тарканть вельксэ. Вражеской летчикесь ванкш-

носсь площадка десантонь валкстоманть туртов. Эйкакштне сеске жо ёвтэсть маласо воинской подразделениянъ командирэнтэнь. Куроксто учовиця таркасонть валгэсть противникентэнь кавто покш транспортной самолет, конатнэстэ валкэсть 22 диверсант. Эрва ёнов ванкшнозь, прок ворт, сынъ кармасть молема сэдентэнь.

Тарасов лейтенантонть взводозо, конанень мерезель истожаке десантонть, нолдынзе диверсантнэнь 50 метрань таркас, ушодсь виев пулеметной тол противникентэнь ланга. Фашистнэ талакадэсь. Минек боецтнэ вачкодэсь штыкесэст. Живетэ кадовозь диверсантнэнь пельксэсь снартнесэ оргодемс бойтеме. Пель кольца ладсо банданть кружазь, взводось куродызе сонзэ болотанть ды целанек истожизе.

* Бородянской капитанось получась задания пачтыам армиянь штабов численна превосходящей врагонть каршо туриця войсковой соединенианть обстановканзо карта. Кавто якстереармеец марто вейсэ капитанось ушодсь ютамо частнева. О. местечканть маласо вирьстэнтэ сынст лангс каявэть 20 немецкой парашютистэ ламо, конат вооруженноельть автоматической оружиясо. Минек боецтнэ ды командирэсь смелстэ ушодэть бой. Бородянской капитанось, кавкэсть ранявовь, эзизе кадо боень тарканть се шкас, зярс эзь максо приказ сазь подкреплениянтэнь ютамс вирьганть ды истожаке вражеской банданть. Довесениясь, конань мельга ульнэсь кучозь Бородянской капитанось, ульнэсь шкасто пачтыазь армиянь штабов. Донесениянъ даннойтнесэ польвовазь, командованиясь громизе вражеской частэнь.

* Булье стокгольмской информационной бюрось, кона ашти Скандинавиясо германской пропагандань органоке, нолдтни провокационной сообщения седе, што советской самолетнэ будто бы теить налет Рущук болгарской ошонть лангс ды леднэсть лавгозонзо пулеметсо.

Те сообщениясь ашти сплошной вымыслакс. Сонсь эськанзо чарькодеви што вейкеяк советской самолет эзь появакшно Болгариянъ территориянть вельксэ.

* Гитлерэнь лепштямонзо ды грозямонзо ало Франциясо «Вишинь правительствась» сезинзе Советской Союзонь марто дипломатической отношенианть. Тень пингстэ «Вишинь правительствась», Рейтер агентстванть сообщениязо коряс, толкови эсензэ решениянзо се нелепой ды аволь виде предложентэ, будто бу «Советской дипломатической ды консульской представительне колызь общественной порядоконтъ ды безопасностэнь». Арась нужда доказывать, што те актэонть Вишинь правительне разоблачили эсь прят прок немецкой фашистнэнь агентт, коват предали Франциянъ интереснэнь.

* Шантажонть ды прямой грозямонтнэнь вельде Гитлер кармавтни сонзэ покоренной государстванъ правительствань воювамс Советской Союзонть каршо. Весе те тейневи сень туртов,

(Пезэ 2-це страницасо).

Советской информационной бюро пельде

(П Е З Э)

штобу манаме мировой общественной мнения ты теңсе самая инсценировка Западной Европы государственный «поход» Советской Союзной каршо.

Гитлер грозясь Тисонь правительство вейсэндямс Словакия Венгрия, бути Словакия а являвты война Советской Союзонть каршо.

* Румынской столицасонть Бухаресте ушовость волнения, конат теветь продовольствия снабжениясонть пек покш перебойтнь кувалма. Магазинствэ вейкенть ваксо народос машть колмо гитлеровец, конат снартность пансемс кши мельга аштица очередень.

* Весе советской народос саезь патристической подъемсо, воодушевленной бажамосо максоме сокрушительной отпор войнаны зарвавшейся фашистской провокатортнень.

Фабрикатнесэ, заводтнесэ ды транспортсонть, колхозтнесэ, совхозтнесэ ды учреждениянесэ трудитяне невнить сарей организованности ды бдительности. Робочейтне ды работницатне успешнойствэ велкеса топавтыть производстваны плантнень, максыть Якстере Армиятень весе эрвиксэнт, масторонь южной районтнесэ колхозниктне а нексневикс бойка темпосо урядыть пек вадря урожаянт; советской учрежденияны служащейтне организованностэ вегить эсь роботаст; ученойтне, писателитне, художниктне — весе советской интеллигенциясэ весе эсь виесть ды знанияк максыть родинатень, Якстере Армиятень.

Алексей Рогожин

Колмонест

Сын улнест колмонест
Ве аван алят.
Вейке маней чистэ
Марясть сын куля:

Немецень фашизмась
Границань трокс пексь,
Советской модасонть
Душманось уш шексь.

Колмонест ператнень
Асатыльть иест,
Штоб васенцек молемс
Армия сынест.

Токнозевсь седеест,
Лаказевсь верест,
Алкс кирьганарезст
Те кежесь кеверсь.

Кувать сын эзь арсе
(Арсемс шкась арась)
...Московсо, столь лангсо,
Ашть сынст сермась.

Сын улнест колмонест,
Вейсэ тусть фронтов.
Сын кеметь, сын шумбрат,
Свежат, прок од лов.

Аваст сынст ильтинзе
Ламо эзь корта:
«Азедо, эйдинень,
Тейса роботанк».

Вирь чирес ильтинзе
Яхоесь кедьсэ,
Эсь сельмензэ нартьсэ
Сон паця песэ.

Колмо сельведть свежат
Чамаванть кеверсть...
Леткине сельмензэ
Чинть каршо цельдердсть.

Сын улнест колмонест,
Истятнэ ламо.
Азарсь кискатнень
Сын чувить калмо!

Од патриот! Самоотверженной роботасонк лездадо Якстере армиятень врагонть громамо!

Нулгодькс фашистнэненъ

ответэкс

Советской од ломатнень седейс те-евсь покш ненависть азаргадозь фашистнэненъ, конат сыргавть розбойничьей война минек вичкевикс масторонть каршо.

Кодак ансяк маризь радио вельде Молотов ялганть выступлениянзо, Саранской пенькокомбинатонь весе цехтнесэ улнест митингт. Вейке вейке мельга трибуна лангс лиснест од ораторт. «А улемс нулгодькснэненъ советской мода лангсо! Минь вантасынек эсенек часиянт, конань кис минек тятнок валеть верь Октябрьской революциянт читнестэ, гражданской войнаны иетнестэ!» Неть валтнесэ сын ёвтызь аволь ансяк эсь гневест, но и эсь покш мелест допрок тапаме Гитлернэ розбойниктнень.

Нулгодькс фашистнэненъ каявомаст лангс ответэкс од цэратне ды тейтертне седейк виеветэ кармить бороцамо продукциянт ламолгавтоманзо кис, теңсэ самая кармить весе вийсэ лездамо Якстере Армиятень седе курок истожаме фашистской гуйтнень.

Советской народонть великой отечественной войнаны васенце читнестэ жо ламо робочейт производственной нормаст кармать топавтне велкеса. Лукашина комсомолкасэ норманзо топавтни 140 процентс. Од робочейтне Медведев, Великанов кармать обслуживать машинаны кавто комплект эрвась. Ней сын роботыть 16 машинасо, трудонь производительностэ а алкинэ гавтыть. Придильной цехень комсомолкасэ Яшина ды Дудорова ягась кавонест кеверить роботамо машинаны комплектсэ, косо икеле роботыльть 4 ломат.

Гитлернэ стервятниктнень каршо справедливой войнаны минек народонть ютксо тейсь покш патристической


подъем. Од тейтертне ды цэратне сайеть мель добровольна туеме фронтов, штобу кивень толсо громаме агрессоронть. Комсомолкатне Барабанова, Чурилина, Пестова еще белофинтнень каршо бороцамо энядсть ошонь военкоматонть икеле, штобу савлизь сынст фронтов медицинской сестракс. Военной комиссариатсо тейтертнень зачислили резервас.

Лоткась орудиянт эртесь Карельской перешейканть лангсо, яказель «Маннергеймань линиясь». Белофинтнень каршо бойтнеде мейле од тейтертне седейк покш мельсэ кармать военной теветь тонавтнеме. Сын максызь норматнень ГСО-нь II-це ступенень значоконть лангс, кармать улеме санитарной дружинаны членэкс. Од патристической содасть, што а васоло шкась, зярдсо советской народонть лангс кавить врагт. Сын пек аноктасть врагтнень каршо бороцамо.

Кодак ансяк фашистской бандитне кармать энеме минек масторонть лангс, тейтертне таго кармать энядомо ошонь военкоматонть икеле, штобу сынст кувлизь фронтов. «Минек арась медицинской специальностенек, но ГСО-нь кружоксо минь тонадынек раниянень лескэнь максоме. Минь маштано вадросто ледеме винтовкасэ ды тонадынек гранатонь ёртнеме. Минек седеенек пешкедсть ненависте фашистской звертнень лангс. Минь аноктано родинанть кис туреме. Энядтане минек кучом фронтов». Истя сын сёрмадсть эсь заявленияк.

Барабанова, Чурилина ды Пестова ялгатнень кондыт од ломатнеде минек масторсонть лововить ламо миллионт ды весе сын кшнень стенак стить Родинанть честензэ кис.

И. Пяткин.



Калавтсынек гуень пизэнт!

Кшнитнень пурнамось лезды изнямс врагонть

Еще ламодо теде икеле пенькокомбинатонь механической мастерскоень, главной контораны ды пиксэнэ понамо цехень комсомолецтне кармать пурнамо ташто шестеренкат, а маштовикс инструмент ды ёртнез кшнни петь. Нурька шкас пурназель малав вете тоннат кшнни.

Комсомолецтне вадросто содыть, што весе те кшнись маштови ней государственнень военной снаряжениянт те-емс. Кшнитнень пурнамось лезды масторонть седе курок ды покш успех марто тапаме немецкой фашизманы. Секс сын вете тоннатнень лангс эзь лотка. Те теветнень ней кундасть комбинатонь весе комсомолецтне.

С. Чурилина.

Саранск ош.

Подросткатнень инициативаст

Минек вичкевикс Родинанть-аванть лангс азаргадозь фашистнэненъ каявомаст лангс советской эрва од патристическо ответи эсь производствасо честной ды самоотверженной роботасо. Подросткатне ды тейтертне священной долгоке ловить сень, штобу достойнасто полавтне Якстере Армиянт славной рядтнес туицятнень. Эрвась паресте содасы, што войнаны шкастонть арась мирной профессиянт, самая секс «Весе минек народос должен улеме сплоченнойке ды единойке, кода зярдояк арасель. Эрвась эйтнень должен вешемсэсь пельдензэ ды лиятнень пельде дисциплина, организованность, самоотверженность, кона достойной алкуксонь советской патристическостень, штобу топавтомс Якстере Армиянт, Флотонть ды Авиацянт весе нуждатнень, штобу обеспечить врагонть лангсо победанть». (Молотов).

Молотов ялганть тердеманзо лангс отвечазь, пек паро инициатива невтить Саранской районь Николаевка велень Ворошилов лемсэ колхозонь подросткатне. Сын пек паресте чарькодизь, што эсь роботасот могут максоме покш лескэ минек Якстере Армиянтень. Сын арыть роботамо эсест тетяст ды братост таркас. Колхозонь бригадирэнт полавтызе Ваня Абудихин комсомолецсэ, Ваня Мягков кармась роботамо покш цэрань роботамо ды свал норманзо топавтни велкеса.

Сон уш тейсь малав кавто сядт трудочи. Вадросто роботыть Боря Ширманов ды Саша Кутузов подросткатне.

Подросткатнень примерэст лангс ванозь, тейтертнеяк невтить замечательной инициатива. Анна Михайловна Романова анокты улеме колхозонь бригадирэкс. Вера Матвеевна Медянкина карми роботамо трактористкакс. Подросткатне ды тейтертне, конат кадывать цэратнень таркас роботамо, кавксть ды колмоксть кепедизь трудонь производительностень. Александра Митрофановна Кланцакова тедеде уш тейсь колмо сядт трудочи. Отечественной войнаны читнестэ норманзо сон топавтни 300 процентс. Сонзэ эйтэ а кадывать Екатерина Федоровна Полянская ды Александра Ивановна Филимонова ялгатнень, конат неть читнестэ нормаст топавтыть эрвась 200 процентс.

Макстано вал эстет колхозонь подросткатнень ды тейтертнень. Июньень 25-це чистэ колхозонь собраниясонть сын, прок вейке ломань, явлывтызь эсет анокчист куш кодамо роботас.

Весе подросткатнень ды тейтертнень мелест ёвтазь, Вера Матвеевна Медянкина мерсь:

— Фашистской кискатне кавксть минек счастливой родинанть лангс. Колызь мирной эрмонок. Военной шкастонть арась мирной профессиянт, самая секс минь весе должны роботамо эрвась эсь теветнэзэ честна ды самоотверженна. Ды улеме анок эрва минутасто полавтомс эсенек тетянок ды братонок. Мон шоферан, но меельсэ

шкастонть те профессиясонть эзинь робота. Ней жо, зярдсо шкась тең вешти, мон карман роботамо трактористэкс ды стахановецэкс карман урядомо сипав урожаянт, штобу вейкеяк колхоз а кадомс паксяс апакс пурна. Мон теңень тердян весе колхозонь подросткатнень ды тейтертнень.

Медянкина ялганть тердемазо вастозель покш мельсэ.

Собраниясто лисемстэ подросткатнень ды тейтертнень ютксо можналь марямс забота седе, кода бу седе курок тонадоме сеть роботатнень тееме, конатнень икеле эзь савкшно тейнемс.

— Маруся, — шкадсь ялгантэнь велень хозяйствань Всесоюзной выставканы участницасы Екатерина Федоровна Полянская.

— Мон арсян седе, што минек эрви тонадоме олго ометонь вачкамо ды скирдовамо.

Ворошилов лемсэ колхозонь подросткатне невтить покш патристическостень. Сынст инициативаст эрви поддерживать весе Мордовиянт подросткатнень. Теңсэ конкретной лескэ должны максоме колхозной первичной комсомольской организациатне.

Подросткат, уледе достойнойт эсенек тетятнень ды братнэненъ, конат громить фашистской палатнень! Лездадо эсенек честной ды самоотверженной трудсонк минек Якстере Армиянтень фашизманы тапамосонть!

П. Кильдюшкин.

Отв. редакторсь А. ЩЕГЛОВ.